

重刊道藏輯要

仙佛合宗語錄

李義人七問

崇禎丙子年秋中朔伍冲虛子在金陵將遠行李義人初爲應天府學庠友己巳初夏參博山無異和尚禪機鋒最稱自悟至庚午季秋望七日拜入予宗爲扣性命雙修之旨竟遊楚浙七年如新於茲始還金陵之家乃有七問焉問之一曰昨觀直論此冲虛子壬戌年所著天仙正理直論一書行於世

所云鍊精化炁如何知得是化了炁伍子答曰精化炁者是初關時設爲次第之名目也以爲精由炁化則以炁之發動時不

道藏輯要

仙佛合宗語錄

一

畢集三

令化精而復全真炁是卽元炁還元炁而言化炁元炁卽無形之元精不順去化有形故曰精化炁也若謂後天之有形質者而可妄指爲精則有形質者以形質爲礙不能化炁身中虛靈之處亦無安頓處亦無通達處凡借精化炁之言指人以執信者乃房術邪說之人莫不執以誑世以舞弄後人不知所謂銷鑛成金矣而金不復爲鑛燒木成炭矣而炭不復爲木亦不復地氣而長旺此喻觀之可無疑矣於發動時而還靜還於本地用周天火薰蒸之薰蒸得理則炁歸本地而更長旺薰蒸不得理則不能如是今日發動時化炁補得一分明日發動時化炁又補得一分動而至於不動補而至於不用補補至十分而元

炁具足具足時便化炁了矣不復有精而亦不復爲世法用六藥生矣謂之華池蓮華謂之赤水得玄珠亦謂之地湧金蓮亦謂之天女獻花亦謂之龍女獻珠萬般喻名但要悟得此理而後不失之浩瀚無稽茫然稱博問之二曰精以炁化而精炁之一固以化言則易知煉炁化神者炁神原二而亦以化言是何故答曰炁神二以其有炁有神現在故二名之及至心息相依一向清淨隨順至於寂滅得息無出入心不生滅大定而常定矣夫息無出入是無炁矣而息住脈住其神寂爲性獨有真覺眞照先若無此元炁助神則神不能常覺常照炁不合神則神亦不能常覺常照卽神之能常覺照由於炁炁神歸一而爲

道藏輯要

仙佛合宗語錄

二

畢集三

神通非炁化神乎問之三曰如何名爲小周天大周天答曰有異用而後有異名曰請詳其所以異曰小周天者坎離交媾之火候以雙修性命者所用者小故稱小所謂十二時意所到皆可爲一日內不知其幾周天矣究其妙正饑時吃飯困時打眠始覺名如未覺名來時之理也凡覺照則小用周天不覺照則不用用之妙有升降有不升降鍾離語純陽翁云可升之時不可降若是者所以爲小也大周天者乾坤交陰陽混一之火候法輪遲緩綿延昏默終日間如醉醺如浴起而暖氣融融禪宗人自喻爲山前水牯牛畧似也所以張紫陽真人云此大周天一場大有危險不可以平日火候例視之也究其妙我師還陽

真人云此候無顛倒無進退無升降則其大旨便可推知卽向玉蟾真人所云無去無來無進退不增不減不抽添之謂也其始也以一時爲一周天以一日爲一周天以一月爲一周天其旣也至於十月而不知其亦爲一周天其大如何以其用大故稱大夫卽以候之緩而周者曰大自然妙合於緩而不得不緩候之速而周者曰小自然妙合於速而不得不速然又當知小周天本無天以周而且建立爲有謂之從無入有也大周天始周有爲而漸入無爲無火候境界謂之從有入無也若所謂心能依息則萬法歸一心息大定而涅槃而一又歸於無此周天之異用爲大小異名也如此問之四曰直論謂煉精化炁在下丹田煉炁化神在中丹田下遷中是一遷而三遷之說又如何答曰按三遷之說於鍾離答純陽論還丹云還者往而有所歸丹者丹田也丹田有三氣在中丹神在上丹精在下丹自下田遷至中田中田遷至上田上田遷出天門是爲三遷功成旣自下而上不復更有還矣吾見鍾離此語矣聞吾師之說同夫煉精化炁在下田至化炁時絕無有精而惟含藏真炁炁尙在杳杳冥冥之間採之而至似有似無之妙此可遷中田而化神者中田曰離南所以文殊菩薩往南遊行者卽此龍女變男子往南方無垢世界者卽此華嚴經云善財童子五十三參皆往南行者亦卽此

善財童子卽仙家嬰兒之喻

予嘗聞仙師還陽真人云煉精在下田雖曰反覆循環於三田而此真性常若不離於下田卽世尊不離菩提樹下而上升須彌升天宮之祕旨也化神入定在中田而始之冲和塞乎兩間歸之無極常若渾然曠中下而爲一所以世尊於欲色天二界中間化七寶坊如大千世界說甚深佛法令法久住久住者大定也卽其事也其所以然者精氣本地在下田故二者專歸於下炁在下而神本地在中故雖化神在中常渾合若充塞若虛空其中下而爲一此又古仙之不肯輕言凡夫之無所授者今敢直語之爲後聖謫問之五曰仙家不用定今或可不必言答

道藏輯要

仙佛合宗語錄

四

畢集三

曰王重陽真人云呼吸相應脈住氣停靜而生定大定之中先天一炁自虛無中而來又云定中知動方是造化邱長春真人云息有一毫之不定命非已有馬丹陽真人云定息採真鉛又云定裡見丹成又云工夫常不間定息號靈胎太上云轉神入定以成至真斗姥心經云知守本來真身更能精修大定乃至形神俱妙元始天尊云息依神定性定命住張紫陽真人云性定可以煉丹不定而陽不生陽生之後不定而丹不結中和集云九載三年常一定便是神仙諸說重宣如此而世人猶有不及信不肯承當亦不知天上未有不入定之仙也問之六曰古禪師有數十年入定而不出者可同否答曰同者也有不同者

也有同者同於能絕淫慾持梵行清淨則陽精不漏精根如童子得漏盡通者此六通之果古謂之不死阿羅漢唯聖僧神通僧有之是則同不同者爲精漏未盡精根未能如童子則無漏盡通不過謂之五通鬼耳雖能入定全是陰界陰神雙眼皆合不及漏盡通者之雙眼開也唯十二時中無昏沉方使得十二時眼合者敵不過十二時卽無真定有在定迷而轉生於人世者或迷而轉入於橫生者性已墮去而空殼在斯亦何足取爲定哉此不同之謂也頑空入定無慧照者皆如此學者不可不察而明辨之問之七曰形神俱妙赤血化白血及拔宅飛昇者皆還虛後事今言初定初出時何故言俱妙似欠是處答

道藏輯要

仙佛合宗語錄

五

畢集三

曰不欠是到得大定而出定卽得不死不壞之形不生不滅之神神能超越天地而形亦隨之超越天地何不可言俱妙卽此一得永得直到還虛後亦卽是這箇俱妙故說初生人時是這箇人乳哺大也只是這箇人如入地成佛是這個佛再加持至九地十地十一地等覺也只是這箇佛何常有異如此則知俱妙矣又謂赤血化爲白血者此非所以語神仙天仙也乃人仙不老者及尸解之類者耳何以辨之人仙者精全而元氣固依呼吸之爲用有呼吸在則有氣血行由動多而動少氣爲踵息血化白亦宜也但能延年益壽而差異也常人者若曰神仙天仙其炁化神矣不化炁血息也在脈也

卽二禪之息住三禪之脈住似之

更有何物可流行而爲白血乎所以古人云血化膏
息定無炁則亦無血只有肉中膏脂在故曰白血

腸化筋

食則腸充之而空不食則腸不空而實爲筋此二者自化神
胎成以後至出神煉神還虛皆如此

誠理言也古天仙又云說盡萬般差別法總與天仙事不同然
此一會說也皆本予之直論而重明之者但未聞究問元精我
且囑之曰元精有真不可以凡擬真中有信不可以律拘爲上
天之秘機願再致思焉可矣

道藏輯要

仙佛合宗語錄

六

畢集三

長沙王朱星垣二問

長沙郡王吉王太和之
堂弟號星垣未登仙派

一問曰精滿不思欲氣滿不思食神滿不思睡必如何得滿亦
必如何知得是滿請示教伍冲虛子答曰得滿則有知而滿則
由於補如補精之法謂之築基凡人之精已爲淫媾耗損無修
仙之基爲不滿之物大修行者補精時必遇精生於先天之真
時卽用火以薰蒸薰蒸卽補也補到化炁而在內未發生之本
炁亦並得薰蒸之炁補卽此氣純無精可生便知實滿百日內
事也精自滿竅自閉大藥一到淫根自縮同於童子從欲不可
得何用思欲世所稱返老還童者是也而陰藏如馬蝗之說乃
爲世尊三十二相之一此欲界執身不行淫者之功若精竅不